

THE GENERAL EPISTLE OF JUDE

¹ Shíí Jude, Jesus Christ bána'isiidíí, James bik'isn nshł́ni, nnee Bik'ehgo'ihí'nań nohwiTaa hadaidezlaahíí bich'í' k'e'eshchii, áí Jesus Christ ídédabolta'í ła'íí Bik'ehgo'ihí'nań bich'í' ádaanniidi: ² Bik'ehgo'ihí'nań biłgoch'oba'íí, ła'íí bits'á'dí' ilch'í'gont'ééhíí ła'íí bił'ijóóníí dayúwehyú bee nohwich'í' ígohigháh le'. ³ Shił daanohshóni, odlá' bił dała'á da'ohiidlaahíí bee hasdá'iidéhi dážhó hasht'íígo baa nohwich'í' k'e'eshchíigo ni, áídá' odlá' nnee Bik'ehgo'ihí'nań **báhadaadeszaahíí** baa daadest'ąą n'íí bá nadaagonołkaad doleełgo nohwidag yashti' doleełhíí bighą nohwich'í' k'e'eshchii. ⁴ Nohwitahyú nnee ła' ha'ádaanihest'íí, áí doo áníidá' díí bighą ch'ídaagodeehgo bá nagoz'ąą lęk'e, nnee doo daagodnłsį dahíí, Bik'ehgo'ihí'nań biłgoch'oba'íí k'ihzhí' ádaizlaadá' nchọ'íí zhá dahot'éhé yaa ídaadest'ąą lęk'e, ła'íí Bik'ehgo'ihí'nań dała'áhi hik'e Jesus Christ nohweBik'ehń gádaabiłnii, Doo án zhá da'ch'okąąh at'éé da, daanii. ⁵ Díí ilk'idá' bídaagonołsį ndi bínadaałniih nohwildishnii, nohweBik'ehń nnee Egypt golzeedí' hayínil n'íí bikédí'go, áí bitahyú doo da'odlaą dahíí da'íłíí ádaizlaa lęk'e. ⁶ Bik'ehgo'ihí'nań binal'a'á ła' yaaká'yú daagolíí n'íí dantsédá' yedaabik'eh n'íí yits'ą'zhí' daaheskai, áík'ehgo godiłhł yuyaa bésh hishbizhíí bee dahazhí' dahdaahest'óógo ígozisgo baa yá'iti'íí bijjizhí' Bik'ehgo'ihí'nań bishnil. ⁷ Sódóm ła'íí Gomórrah ła'íí binaayú kįh nagozníłíí biyi' nnee daagolíni n'íí da'ágát'éégo nant'í' na'ídaahíí yaa ídaadest'ąą, ła'íí ilch'í' biini' daama', áí bich'í' nahi'niilgo dahazhí' ch'iidn bikọ' diltł'í yee biniidaagodeszaa; díinko bee nnee bił ch'ídaagot'aahi at'éé. ⁸ Da'ágát'éégo díí nnee nchọ'go nadaayeełíí bee bits'í dailchọq, yedaabik'ehíí doo daidnłsį da, ła'íí yaaká'yú daagolíni daach'idnłsini nchọ'go yaa yádaakti'. ⁹ Míłkael, Bik'ehgo'ihí'nań binal'a'á yaaká'yú daagolíni da' tiseyú sitínihi ndi, ch'iidn nant'án yilnagonołkaadgo Moses bits'í n'íí bighą łahadit'áhdá' biini' hąhgo doo yati' ye'okáągo yaa dahgoz'ąą da, áídá' gáyilnii, NohweBik'ehń nił diteh ndi at'éé. ¹⁰ Áídá' díí nneehíí, nt'é doo yídaagołsį dahíí nchọ'go yaa yádaakti': ndi dziłká'yú gólíni doo natsídaakees dahíí k'a'at'éégo dabínik'eh yídaagołsiníí ánadaat'íłíí zhá ye'adaat'ee, áí bee ídaadilchọq. ¹¹ Áí nnee bá

góyéé dolee! Cain holzéhi adzaa n'íi k'ehgo ádaadzaa, Bálaam holzéhi bich'í' nahi'ñiíhíi bighą nihesíi n'íi k'a'at'éego zhaali yidáhzhí' ádaane'go ndaahísih, ła'íi Córe holzéhi, Bik'ehgo'ihí'nań yich'í' nagonłkaadgo da'ílii silíihíi k'ehgo ái da'ílii daadolee. ¹²Díi nñeehíi Bik'ehgo'ihí'nań binadzahgee łł daanohjoggo náda'ohdijhíi daiłchoggo ádaat'jih, doo daaste' dago itisgo náda'idijh bił náda'ohdijhgee: yaak'os tú da'ádijhgo bił nagoyolhíi k'ehgo ádaat'ee; ch'il náhásgani binest'a' ádini, nakidn da'íłké' náhásgani, bikeghad dá bił hádodzjizíi k'ehgo ádaat'ee; ¹³Túnteel bighán hashkeego nadiidáhíi k'ehgo ádaat'ee, tú bizhol hayil'eelhíi k'ehgo bi'at'e' bik'e' ídaayágosiníi hit'jii hileeh; ts'íłsqosé da'adzaayú nadaahi'nahgo dahnaznilhíi k'ehgo ádaat'ee, chagolheet dážhó diłhíihíi dahazhí' bá begoz'aą. ¹⁴Adamí' godezt'i'go gots'id íłké' hanáłolchijgee Énoch naghaa lęk'e, án díi nñeehíi yunáásyú ágone'íi yaa nagoln'i' lęk'e, gánñiidgo, Isąą, nohweBik'ehń nñee báhadaadeszaahíi goneznan doo náhółtag dayú hilt'eego yił dokah, ¹⁵Nñee dawa yándaago'aahíi bighą hígháh, ái nñeehíi bitahyú hadíi doo daagodnłsi dahíi doo daagodnłsi dago ánádaat'jíd n'íi bił ch'í'nah ádaagole'go, ła'íi Bik'ehgo'ihí'nań daayokáałgo yaa yádaakti' n'íi ałdó' nda'íłsihíi bił ch'í'nah ádaagole'go hígháh. ¹⁶Díi nñeehíi aadaanét'jii, ła'íi dawahá yída'íłtah, nchó'i hádaat'iiníi yikísk'eh daahinaa; ídaa da'odlíigo yati' dážhó nchaahíi yee yádaakti', daazhógo ádaaniigo yati' baa gozhóni bee nñee yich'í' yádaakti', da'it'jiihíi bighą. ¹⁷Ndi shił daanohshóni, Jesus Christ nohweBik'ehń binadaal'a'a yunáásyú ágone'íi dabíntsedá' yaa nadaagoln'i' n'íi bínádaałñiil; ¹⁸Gádaanohwiłñii n'íi, Iké'yú goldohíi biyi' aadaadłohíi doo daagodnłsi dago nchó'íi hádaat'iiníi yikísk'eh ádaat'eelhíi daahikáh dolee. ¹⁹Díi nñeehíi da'anii ágot'eelhíi yits'ą'zhí' ádaane'íi daanłjii, ni'gosdzán biká' ágot'eelhíi yikísk'eh ádaat'ee, Holy Spirit doo biyi' daagoljii da. ²⁰Áidá' nohwihíi, shił daanohshóni, nohwi'odłá' dilzini bee nłdzilgo ádaadohdle', Holy Spirit biláhyú da'ohkąąhgo, ²¹Bik'ehgo'ihí'nań bił'jioóníi biyi' daagonohjigo ádaadinołzi, Jesus Christ nohweBik'ehń nohwaa ch'oba'go dahazhí' ihí'naahíi nohwaide'aahíi biká daadeh'jii. ²²Ái nñee nchó'go ánádaat'jiihíi ła' baa daach'ohba'go łahgo bich'í' ádaanoht'ee: ²³Ła'ihíi binchó'íi baa daagonohsąągo, kọ' biyi'dí' hadaahohdzjiiigo hasdádaahñiil; nchó'go ánádaat'jiihíi bighą bidiyágé bits'ą' łikizhgo alzaahíi ndi nohwił daancho' le'. ²⁴Dánkota nanánohdéh doleełi yits'ą'zhí' Bik'ehgo'ihí'nań ánohwłłsigo yinel'aą, ła'íi doo nohwaa dahgoz'aą dago dabíi bits'ą'íidnłáádgee, bidáhzhí' dážhó nohwił gozhógo nasozjigo ádaanohwidolíłigo yinel'aą, ²⁵Áń Bik'ehgo'ihí'nań dała'a góyáni, Hasdánohwiñiíhíi, ihégosiníi, ízisgo at'éehíi, dahot'éhé yebik'ehíi, ła'íi nawodíi bíyéé le', dák'ad, ła'íi dahazhí'. Doleełgo at'éé.